

嚴州府志卷之七

典禮鄉約 慶賀開讀 鞭春救護 祈禱鄉飲  
上任 行香 祭祀 賓興 耕藉

禮所以辨上下定民志掌自宗伯典綦重矣顧學校  
秩祀散見諸志而

聖諭以勵風俗朝賀以肅班聯賓興造士耕藉重農與夫  
鄉飲酒禮崇齒尚德所謂觀於鄉而知王道之易皆  
不可不備列者也志典禮

鄉約禮

聖祖仁皇帝聖諭十六條

敦孝弟以重人倫

嚴州府志 卷之七 典禮

篤宗族以昭雍睦

和鄉黨以息爭訟

重農桑以足衣食

尚節儉以惜財用

隆學校以端士習

黜異端以崇正學

講法律以警愚頑

明禮讓以厚風俗

務本業以定民志

訓子弟以禁非為



息誣告以全良善  
誠窩逃以免株連  
完錢糧以省催科  
連保甲以弭盜賊  
解讐忿以重身命

世宗憲皇帝聖諭廣訓

每月朔望知府率僚屬同武職官集紳衿耆老軍民  
人等於府學明倫堂宣靈廟靈順廟三處輪流宣講  
勸化

慶賀禮

嚴州府志

卷之七

典禮

二

凡正旦冬至

皇太后萬壽

皇上萬壽

皇后千秋知府率僚屬黎明詣

萬壽宮行三跪九叩頭禮

開讀禮

凡

詔旨至知府率僚屬具儀仗鼓樂出迎東關前導至府堂  
設香案具庭燎行禮隨膳黃賣諸縣諸縣迎接之禮  
亦如之



鞭春禮

每歲建德縣承值各事預期造土牛芒神春前一日知府率僚屬常服具鼓樂出東關更衣簪花詣芒神前行一揖禮導至府儀門外芒神安東位土牛安西位官至府堂燕春酒至日先時率僚屬具告文致祭

鞭春

救護禮

凡日食月食知府先期告示至日率僚屬各穿朝服於府堂露臺行救護禮

祈禱禮

嚴州府志

卷之七

典禮

三

遇歲旱潦知府製告文率僚屬齋戒步禱城隍廟旱甚則詣烏龍山巔許真君祠恭請聖水設壇拜祈卽應

新官上任禮

凡新官上任先期入城齋宿城隍廟屆期會請諸神以羊一豕一同祭祭畢詣所治易公服於露臺行謝恩禮畢陞堂公座尋易常服行參見禮乃諭僚屬署

文移

行香禮

凡元旦冬至并季首府廳謁文廟行三跪九叩頭禮



畢詣關帝廟城隍廟烏龍王廟暨嚴陵思范二祠及  
譙樓儀門內土地祠俱行禮每月朔望日謁文廟城  
隍廟譙樓儀門內土地祠行禮同乾隆十年奉文著  
定正印官於朔望謁文廟禮畢卽詣崇聖祠行禮二  
六叩頭禮如遇有  
事卽委教官行禮

### 祭祀禮

每歲春秋二仲月上丁日祀先師孔子廟知府率僚  
屬於前三日致齋前一日觀樂省牲至日具庭燎設  
祭品行三奠禮通學生員隨班與祭康熙二十五年  
奉部文武職副將以上准陪祀行禮并同祭啓聖祠

### 嚴州府志

### 卷之七

典禮

四

及十哲兩廡分獻各官行禮畢祭魁星閣各宦鄉賢  
祠每歲春秋二仲月上戊日祭社稷風雲雷雨山川  
壇暨城隍知府率僚屬於前三日致齋至日詣壇讀  
祝行三奠禮畢隨祭嚴陵思范二祠每歲春秋二仲  
月遵頒日期暨五月十三日祭關帝廟知府率僚屬  
於前一日致齋至日詣廟同武職官行三奠禮每歲  
春秋二仲月中旬丁日祭烏龍王廟知府率僚屬詣  
廟致祭每歲春清明日秋七月十五日冬十月初一  
日祀郡厲壇知府先期致齋具牒文委員賈城隍廟  
焚化至日城隍詣壇主祭知府率屬致祭



賓興禮

每當三年大比七月初旬知府擇期傳集府建兩儒學科舉生員至期府堂設譙儀門外架木爲仙橋上蓋彩棚象廣寒宮知府率僚屬穿補服衆生員各穿公服於堂上行禮畢乃就席知府主位屬員東首相陪衆生員東西列席酒三行梨園搬演加官魁星畢隨給路費衆生員起謝辭行鼓樂前導知府同屬員送出儀門衆生員登仙橋各攀桂枝而去起送武闈禮亦如之

耕藉禮

嚴州府志

卷之七

典禮

五

雍正七年奉建先農壇於興仁門外碧溪塢壇前置藉田四畝九分每歲奉頒日期知府率僚屬於前二日致齋至日詣壇穿朝服同武職官祀先農之神行三奠禮畢知府及知縣易采服行耕藉禮農官牽犢前導知府扶犁知縣播種繞田三匝乃畢仍易朝服向闕謝

恩

鄉飲禮

每歲正月望日十月朔日舉鄉紳高年有德者一人爲正賓生員高年有德者一人爲介賓平民高年有



德者二三人爲耆民教官先期集諸生選報康熙二十三年知府任風厚具文詳請撫院并學道批允令六縣輪流採舉一正一介一耆由縣詳府轉詳候允舉行扣期發啟敦請至日於府學明倫堂設饌知府率僚屬延賓進相對行交拜禮畢按圖位序坐宜律誥揚觶鳴鐘飲酒七巡令歌童八人每巡歌鹿鳴南山等詩飲畢設香案主賓面西北行三跪九叩頭禮

謝

恩

嚴州府志

卷之七

典禮

六